



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

Broj: 06-45-6288/24
Sarajevo, 28.06.2024. godine

Na osnovu člana 69. stav (3) Zakona o javnim nabavkama Bosne i Hercegovine («Sl.glasnik BiH» br.39/14 i 59/22) u daljem tekstu: Zakon, Direktor Zavoda za izgradnju Kantona Sarajevo donosi:

O D L U K U

o otkazivanju postupka javne nabavke

I

Otkazuje se postupak javne nabavke za **“Nabavka trajnih licenci za programske pakete“**, putem konkurentskog zahtjeva za dostavu ponuda, zajedno sa Obavještenjem o nabavci broj:285-7-1-68-3-20/24 objavljenim na Portalu javnih nabavki dana 20.06.2024. godine.

II

Postupak javne nabavke za **“Nabavka trajnih licenci za programske pakete“**, putem konkurentskog zahtjeva za dostavu ponuda otkazuje se u skladu sa članom 69. stav (3) Zakona o javnim nabavkama BiH („Službeni glasnik BiH“ br.39/14 i 59/22), zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

III

U skladu sa članom 70. stav 6. Zakona, Zavoda za izgradnju Kantona Sarajevo će ovu Odluku objaviti na svojoj internet stranici: <http://zik.ks.gov.ba>, te će objaviti Obavještenje o poništenju na Portalu javnih nabavki.

O b r a z l o ž e n j e

Na osnovu Odluke o pokretanju postupka javnog nadmetanja broj: 06-45-6000/24 od 19.06.2024.godine, Zavod za izgradnju Kantona Sarajevo je pokrenuo postupak javne nabavke usluga putem Konkurentskog zahtjeva, pripremio tendersku dokumentaciju, objavio Obavještenje o nabavci broj: 285-7-1-68-3-20/24 na Portalu javnih nabavki i objavio tendersku dokumentaciju za **“Nabavka trajnih licenci za programske pakete“**, a u skladu sa članom 53.stav (2) Zakona o javnim nabavkama BiH („Službeni glasnik BiH“ br.39/14 i 59/22) i članom 8. stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki na Portalu javnih nabavki („Službeni glasnik BiH „ br.80/22). Dopisom br.06-45-6040/24 od 20.06.2024.godine Zavod je dostavio Sažetak obavještenja o nabavci 285-7-1-68-3-20/24 u „Službeni glasniku BiH“.

Ugovorni organ je putem Portala javnih nabavki zaprimio upite ponuđača vezano za predmetnu tendersku dokumentaciju, a koji se odnose na procijenjenu vrijednost javne nabavke. Navedenim upitima ponuđači su ugovornom organu naveli da je procijenjena vrijednost znatno niža u odnosu na traženu količinu, kao i da nije moguće tražene licence isporučiti na CD format već isključivo online.

Ugovorni organ je pokrenuo postupak javne nabavke nakon ispitivanja tržišta za predmetnu nabavku. Na osnovu ispitivanja tržišta u svrhu pripreme predmetne nabavke, tehnička specifikacija i procijenjena vrijednost traženog paketa definisane su na temelju tržišnih cijena dobivenih od učesnika na tržištu u tom trenutku.

Međutim, nakon što su ponuđači postavili relevantna pitanja, uočeno je da postoje ekstremne razlike u cijenama. Ponuđači koji su postavili pitanja naveli su znatno veće cijene za tražene licence u poređenju s cijenama koje su nam bile predstavljene tokom zvaničnog ispitivanja tržišta prije pokretanja postupka javne nabavke. Kako bismo dodatno pojasnili situaciju i osigurali ispravnost postupka, Ugovorni organ je odlučio da otkáže - poništi postupak javne nabavke.

Zbog svega navedenog, a predhodno uzimajući u obzir da je ugovornom organu postavilo upite nekoliko ponuđača, ugovorni organ je zauzeo stav da se predmetni postupak javne nabavke otkáže shodno članu 69. stav (3) Zakona o javnim nabavkama BiH („Službeni glasnik BiH“ br.39/14 i 59/22), zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Shodno navedenom odlučeno je kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi i u roku od 5 (pet) dana od dana prijema ove Odluke shodno članu 101. stav (5) Zakona o javnim nabavkama Bosne i Hercegovine



D:

Belma Barlov, dipl.ing.arh.

DOSTAVITI:

1. web stranica Zavoda <http://zik.ks.gov.ba>
2. a/a